



বিয়ের মন্তব্য ।



শ্রীসত্যচরণ মিত্র প্রণীত ।



প্রকাশক

শ্রীসুরেন্দ্রনাথ মল্লিক

২২১৯ বামকিংগন দাসের গেন

কলিকাতা

মিউ আট্টিষ্টিক প্ৰেস

১২।১ বামকিৰণ দাসেৰ প্ৰেছ, কলিকতা।
শ্ৰীশ্ৰীশ্ৰী বাম দাসেৰ প্ৰেছ।

স্নেহের উপহার ।

পাঁচু !

সবাই নিলে লিখিয়ে ছড়া,

তুমিত কিছু চাইলে না

এত নাজুক হলে ত বাপ,

সংসার করা চলে না

বাপের পন ছেলেতে পায়,

সংসারিত আছে জানা

শাই “বিয়ের মন্তুর” ছাপিয়ে নিয়ে,

দিলাম তোমায় বইখানা

সময় পেলে পড়ে তুমি,

নিয়ে তোমার বন্ধু জনা

যদিও হাসবে সবাই জানি মনে,

দেখে শুনে কা গুথানা ।

বাছুরবাগান ।

২০ বৈশাখ ১৩২০ ।

বাবা ।

গৌর চন্দ্রিকা ।

আজকাল

পঙ্কহীন বিরে—ভাবলে গা কেঁপে উঠে

আরে ছি ছি লাজে মরে যাই,

বর ক'নে থাক বা না থাক,—পুরুত আশুক আর নাই আশুক

(অস্বতঃ) একটা পদ্ম চাইই চাই !

লাল নীল কাগজেতে যা'তা' লেখা

লোকের হাতে দিলেই ভাই

তার বদলে একটা “থ্যাঙ্কস্” (thank)

পেলে একেবারে বর্কে যাই ॥

ভাই বলি কবিত্তে গো

আর কিছু নাহি চাই

(আমার) কলমে এসে ভর কর মা

তু হু করে লিখে যাই

(ভাল হ'ক মন্দ হ'ক তাতে কিছু ক্ষতি নাই)

নোনা কিনা, পদ্ম একটা চাই ই চাই ।



মন্তরের সূচী ।

নং	মন্তর	পাতা
১ ।	মৃগালবালা	১
২ ।	প্রীতি উপহার .	২
৩ ।	উষার স্বপন	৪
৪ ।	হিরণের বিয়ে .	৬
৫ ।	আমাদের ফিণের হনে বিয়ে	৭
৬ ।	ছোড়দিনগির বিয়ে	৮
৭ ।	ছোটপিসির বিয়ে	৯
৮ ।	ঠাকুর পো'র বিয়ে	১১
৯ ।	স্নেহাশীষ	১৩
১০ ।	সাদর সম্ভাষণ	১৫
১১ ।	আমার মামা বাবুর বিয়ে	১৭
১২ ।	স্নেহোপহার .	১৯
১৩ ।	নব রসোদগার	২১
১৪ ।	আমার মেজদার বিয়ে	২৪
১৫ ।	গোটাছুই কথা	২৬
১৬ ।	আমার সাধের গিনিপণা	২৭


মস্তরের হুটী ।

নং	মস্তর	পাতা
১৭।	আমার অভিমান .	২৯
১৮।	Outpourings	৩০
১৯।	কাকুর বিয়ে .	৩২
২০।	মনের কথা .	৩৫
২১।	আশ্চর্য স্বপ্ন .	২৭
২২।	Bridal Tournament	৩৯
২৩।	কিছু মিছা .	৪১
২৪।	হুকুম তামিল .	৪৩
২৫।	আশীর্বাদ	৪৫
২৬।	শোধ বোধ	৪৬
২৭।	স্নেহাশীর্বাদ .	৪৮
২৮।	আমার দিদির বিয়ে	৪৯
২৯।	পাতুরাণীর বিয়ে .	৫১
৩০।	হেয়ারব .	৫৪





ধ্বংসের মন্ত্র



মৃগাল বালা ।

নিগ্ধ সাক্ষ্য বসন্তের মারুত হিল্লোলে
মঞ্জু কুঞ্জ কোকিলের শ্লেষ কুহুতানে
আকুল তারকা কুল, চাঁদ পড়ে ঢ'লে
কত ফুল ফুটিতেছে "মালির বাগানে"
এ সময়ে (ও) তবু কেন লজ্জাবতী লতা
ভ্রমরের ভয়ে সদা আছ জড়সড়
সুধাইলে আধবাধ সরেনাক কথা
চলিতে চরণে যেন জড়াইয়া পড় ।
সদাই আপন হারা এত কি ভাবনা
কি আবেশে মুদে আসে শান্ত আখি-পাতা
সংসার ঝটিকাময় জেনে কি জাননা
পদে পদে পেতে হবে কত ক্লেশ ব্যথা ?

জীবন মরত্ন মাঝে রসালে বেড়িয়া
কহি তাই অক্ষয় থেকে স্বর্গলতা ॥

প্রীতি উপহার ।

দিদি—

হৃদয় উচ্ছ্বাস ভরে, তোমার কোমল কবে,
 পরাণের ভালবাসা গাঁথিয়া আমার—
 দিতেছি যতন করে, সাদরে লহগো এরে
 ধর ধর ভগিনীর প্রীতি উপহার ।

কেনরে আকাশ আজি এত সুবিমল,
 কেন বা চন্দ্রমা তুমি এত সমুজ্জল ।
 কেনরে জোছনা রাশি পড়ি চৌদিকেতে
 মাতাইতে চাহে প্রাণ মধুর সুখেতে ।

কেনরে কোকিল বধু মধুর ঝঙ্কারে
 নীরস প্রাণের মাঝে সুধার সঞ্চারে ।
 কেনরে প্রকৃতি আজি এত মধুময়
 কেনবা ধরণী আজি ত্রিদিব আনয় ।

জাননাকি তুমি ভাই কিসের কারণ,
 প্রকৃতি সুন্দরী সতী আনন্দে নগন ।
 শোননিকি শুভ শুরু অষ্টমীর রাতে,
 মিলিবে প্রফুল্ল আজি বসন্তের সাথে

প্রফুল্ল নলিনী বৎ প্রফুল্ল নলিনী,
 বসন্তের হৃদি হৃদে ফুটিবেলো ধনী ।
 আপনি প্রকৃতি সতী হরষিত মনে,
 এসেছেন বেধে দিতে পবিত্র বাধনে ।

ভুবন মোহন এই যুগল মিলন,
হেরিয়া জগৎবাসী পুলকিত মন ।
এক বৃন্তে দুটি ফুল বসন্তু নলিনী,
দেখ সবে আখি ভরি জুড়াক পরাগি—

কেন দিদি কেন তুমি লাজে শ্রিয়মাণ,
লাজভরে কেন তুমি ঢাকিছ বয়ান্ ।
পরিণয় সুপবিত্র বন্ধন বন্ধনে,
কত সুখ তুমি দিদি পাইতেছ মনে ।

হের দিদি হের তব বসন্তু কুমার,
জ্ঞানাকাশে ক্রবতারা জীবনের সার
কান্ত উপদেশ সদা করিয়া পালন,
ঐহার নির্দিষ্ট পথে করিও ভ্রমণ ।

ভাল থাক সুখে থাক বসন্তু নলিনী,
নারায়ণ বামে যথা শোভে নারায়ণী ।
কিন্তু দিদি ভুলোনাক পাইয়া রতন,
তোমার স্নেহের চারু এই আকিঞ্চন ।

জগদীশ দয়াময় করুণা নিদান
আশীষিয়া কর সুখী এ দুটি সন্তান ।
চির সুখে সুখী দৌহে কর ভগবান
সংসার এদের হোক স্বরগ সমান ।

স্নেহের ভণী

চারুশীলা ।

উষার স্বপন ।

নিশা শেষে কি সুন্দর স্বপন দেখিছ :-

যেন, জীবন তটিনী তটে
সাঁঝের তারকালোকে

সেফালিকা উঠিল ছুটিয়া ।

তাই, নন্দন কানন পথে
নিভৃত নিকুঞ্জ হ'তে
কত প্রাণী আইল ছুটিয়া ॥

কিন্তু, ত্রিদিব আসন হ'তে
নিবারিয়া প্রজাপতি
কহিলেন ডাকিয়া নবারে—
“এমন সৌরভময়
এ ফুল তোদের নয়
সঙ্গে দিচ্ছি যতীন্দ্রের করে ॥

আমার আশীষবাণি—
মিলে র'ক্ ছুটি প্রাণী,
জীবনের কোলাহল ভুলি ।
অতীত সাধনা করি
লভিয়াছে বর্তমানে,
ভবিষ্যতে সুখ পাবে বলি ॥”

বিয়ের মস্তুর ।

এ নবীন বরষায়
অফুট জ্যোছনাভায়
যে স্বপন দেখিছ উষায় ।
জগদীশ দয়াময় !
যেন গো সফল হয়
“মেহলতা” এই ভিক্ষা চায় ॥

২৬শে শ্রাবণ ১৩১২

ছোট বোন ।



হিরণের বিয়ে ।

হিরণ !

গেল মাসের এমি দিনে

খেলি পুতুল আমার সনে

আমার নাতি হলো বর তোর মেয়ে কনে,

(তুই) কিনা আজ কনে সাজুলি হেঁসে আর বাঁচিনে !

গায়ে হলুদের তত্ত্ব পেয়ে

আমার কাছে এলি ধয়ে

বলি "পিসি দেখবি আয় কেমন মেজেছে মেয়ে",

তোর নিজের আজ সে সাজ দেখে

কত আমোদ উঠচে বুকে

মুখ ফুটে একটুও তার বলতে ত কৈ পাচ্চিনে ।

বিয়ের কথা মনে আছে ?

(যখন) বর দাঁড়াল কনের কাছে

একটা কলা গিলে ফেলে ওয়াক্ তুলে বাঁচিসনে,

তোর সত্তি ঘরের বিষেভেরে

সে সব কাণ্ড আছে যেরে

একটুও ত অঙ্গ হানি দেখতে ত কৈ পাচ্চিনে ।

কিন্তু আশীর্বাদী ঘটা যেটা

তার ভিতরে নাইক মুঁটা

যদিও তুই বয়সে বড় (তবু) আমি তোর পিসি

আশীর্বাদ করি তোরে

সুখী কর নলিনীরে

মনমত পতি পেয়ে আমাদেরও ভুলিসনে ।

আমাদের ফিনের হবে বিয়ে ।

হো হো হো বড় মজা, কত লুচি হচ্ছে ভাজা

মাছ এসেছে বুড়ি বুড়ি মুটের মাথায় দিয়ে,

কেন তা জান—আমাদের ফিনের হবে বিয়ে ।

গরদের কাপড় পোরে বাবা বেড়ান ঘুরে ঘুরে,

কত লোক খাচ্ছে আজ, দৈ সন্দেশদিয়ে,

আমি বুঝি জানিনেকো—ফিনের হবে বিয়ে ।

কত আলো কত নিশেন, ঠিক যেন (বলবো) একজিবিসন

পোঁ পোঁ পোঁ বলছে সানাই সুরু গলা দিয়ে,

ওগো ফিনের হবে বিয়ে—ওগো ফিনের হবে বিয়ে ।

দাদাউ আমার বড় বোকা, কেবল ডাকেন খোকা খোকা

বোমা ও থেকে থেকে কোলে করে নিয়ে,

কানে কানে বলেন—“তোমার ফিনের যে গো বিয়ে”

আমি এবার বারু হয়ে, রকের উপর বসি গিয়ে.

ওই যে বর আসছে মে গো টোপর মাথায় দিয়ে,

হা হা হা বড় মজা—ফিনের আজ বিয়ে ।

ঠাকুর তুমি সগেগ থাক আমার একটা কথা রাখ,

ফিনের তুমি ভাল কর মাথায় হাত দিয়ে,

ফিনে বুঝি জাননা কে ? আমার বউমার মেয়ে

(বুঝতে পালেনা) আমার দাদাউর মেয়ে ।

ছোড়্দি মনির বিয়ে ।

ছোড়্দি-মনির বিয়ে হবে আমোদেতে ঝাচিনি ।
মেজ্দি সেজ্দি এলো আবার কদিন তাদের দেখিনি ॥
বাইরের রকে বাজ্ছে সানাই একটি বারও থামেনি ।
এমন মিষ্টি বাজ্না আমি কখন যে শুনিনি ॥
লতার পাতার সাজিয়েছে ঘর এমন কখন দেখিনি ।
“ইডেন্-গার্ডেন” হার মেনে যায় এমনি আলোর জ্বলুনি ॥
ছাতের উপর যাবে বলে লোকেদের সব লাফানি ।
সেথায় লুচি ভাজা হচ্ছে যোগো আলুর দন আর চাটনি ॥
বাড়ীর ভিতর যাবার যো নেই মেরে-গুণোর মাতুনি ।
তার ভেতরে মাঝে মাঝে বউমার আবার বকুনি ॥
আমায় কিন্তু কাছে পেলে কোলে নিয়ে তখুনি ।
(বলেন্) এমন কোরে ছুঁমি কি কত্তে আছে বাহুমণি ॥
তোমরা কি কেউ শুনতে পাচ্চ গড়ের মাঠের বাজুনি ?
বাইরে শিগ্গির চল সবাই বর আসবে এখুনি ॥
বরের পাশে চলি পোরে সেজেছে বেশ ছোড়্দি-মণি ।
বর দেখতে এমন নামটিও তেমন (যেন) শরতের ঐ চাঁদ-খানি ॥
বর-কনে দেখছে সবাই দিয়ে কত টাকা গিনি ।
আমি কিন্তু পাব কোথায় নাইকো আমার একটিও আনি ॥
(তাই) মনে মনে বলি ঠাকুর, সকলের উপর আছ শুনি ।
মনের স্থখে রেখো মোদের জামাই-বাবু আর ছোড়্দি-মণি ॥

ছোট পিসির বিয়ে ।

ছুটলো লো তোর খেলার স্বপন,
ভাঙলো সাধের খেলা ঘর ।
এখন জাণ্ডো সকল পুতুল নিয়ে,
মনের সাথে খেলা কর ॥
বছর খানেক আগে মোরে,
বলেছিলি যে সব কথা ।

আমি ভুলিনিকি একটিও তার,
প্রাণে প্রাণে আছে গাঁথা ॥

আমার শ্রাম অন্ধে চেলি মোড়া,
খুলেছিল যে বাহার ।

আমি নিজেই দেখে হেসে মরি,
অন্তের কথার কি দরকার ॥

তুই কিন্তু সে সাজ দেখে,
আমোদেতে দিশে হারা ।

বলেছিলি যাকে তাকে,
দেখেছ কি এমনি ধারা ?

আজ আমার চোক যে জুড়ালো রে,
তুই যে মোদের কনে-রানী ।

“শরদেন্দুর” পাশে বসে,
তার হৃদাকাশের চাঁদ খানি ।

অধিক কথা বলবো কি আর,

কথা মুখে না জুয়ায় ।

সুখে থেকে মনে রেখো,

“ফিনে” তোমার এই চায় ॥

হে দেব ভবাণী পতি,

করি ভিক্ষা তব পার ।

এ নব দম্পতী যেন,

আমার নাতির বিয়ের নুচি পায় ॥

২০শে বৈশাখ : ১৯৬১ ।

হিরণ



ঠাকুরপো'র বিয়ে ।

আয়লো তোরা আয়লো সবাই
ঠাকুরপোর আজ বিয়ে,
মল্ বাজারে আয়লো ছুটে
ভেল হনুদ নিয়ে,
এ কালের হায় মেয়ে গুলো
বই পড়তেই জানে,
হী ক'রে সব দাঁড়িয়ে কেন
এমন সুখের দিনে,
(গুলো) তেল মাথাতে হাতটা যদি
কানের কাছে যায়
ত চারটে মোচড় দিস্ তার
কিসের এত ভয় ?

ঠাকুরপো !

(মখন) বিয়ের পরে বাসর ঘরে
নিয়ে যাবে ভাট,
সামলে একটু চ'লো সেখা
সাবধানের মার নাই,
বন্দী সবাই করবে তোমায়
মেয়ে আদালতে,
বড়ই কঠিন, নাইকো সেখা
জামিন্ কোন মতে,

নাইকো সেথা আইন কানুন

হকুম শুধু আছে,

না মানলে শ' খানেক হাত

আসবে কানের কাছে,

অধিক কথা বলব কি ভাই

পুঁথি বেড়ে যায়,

মানিরে ছুনিয়ে সেরে নিও

রাতটা বইত ময়,

এখন পারুল বালি নিয়ে তুমি

চির স্মৃথী হও,

একবার ক'নের পাশে ব'স হেঁসে

আমার নাথা খাও,

মানত করি মা কালীর কাছে

থাক মনোমুখে,

ভক্তনে মিলে ঘর কর ভাই

সদাই হাঁসি মুখে ।



স্নেহাশীষ ।

এস বাবা কালিদাস বধুমাতা লয়ে পাশ,
 দৌহে এস, আজ করি কোলে,
 বড় প্রিয় ছিলে যার, কোথা তিনি আজ তোমার,
 চলে গেছেন ভুলিয়ে সকলে ॥
 বড় আশা ছিল মনে, আসিবে তাঁহার মনে,
 মনসাধে তব বিয়ে দিব,
 বধু লয়ে ঘরে এলে, সব কাজ রেখে ফেলে,
 বরণ করিয়া আমি নিব ॥
 বিধি তাহে হ'ল বাম, না পুরিল মনস্কাম,
 মন সাধ মনেতে মিশালো,
 যত আশা ছিল মনে, সব দিয়ে বিসর্জনে,
 কাঁদিতে কাঁদিতে দিন গেলো ॥
 সুখ স্বপ্ন স্মৃতি প্রায়, কত কথা মনে হয়,
 আরো কত পরাগেতে ভাসে,
 কাজ নাই সে স্মরণে, ভয় হয় শুভদিনে,
 পোড়া চোকে জল যদি আসে ॥
 এস বাবা কালিদাস বধুমাতা লয়ে পাশ,
 দৌহে এস আজি করি কোলে,
 দীনবন্ধু দয়াময়, দৌহে রেখো রাঙা পাশ,
 আশীর্বাদ করহ যুগলে ॥

তুমিও দেব স্বর্গ হ'তে, স্নেহ ভরে দৌহা মাথে,
 শান্তি বারি কর বরিষণ,
 ছধিনীর কি আছে আর, ধান ঢুকা করি সার,
 মুখী হও মাত্র, মোর অশীষ বচন ॥

১৪ই জ্যৈষ্ঠ ১৩১৬

আশীর্বাদিকা

জেঠাইয়া ।



সাদর সন্তোষণ ।

(১)

আজি শুভ নিশি
সকলে সন্তোসি
ভূতলেতে আসি
হইল উদয় ।

(২)

হুনীল আকাশে
সাদ্য মেঘ ভাসে
তারা কুল হেঁসে
উকি মেরে চায় ।

(৩)

ছুঁই বেলা পাশে
বায়ু ধেয়ে এসে
মনের উল্লাসে
গঙ্ক মাখে গায় ।

(৪)

স্বাসেতে মিলে
ধীরে ব'হে চলে
সব জীব কুলে
স্নিগ্ধ করে কায় ।

(৫)

আজি চারি দিকে
সুখী সব লোকে
হাঁসি হাঁসি মুখে
নেচে গেয়ে যায় ।

(৬)

এই শুভ দিনে
কালিদাস সনে
বিবাহ বন্ধনে
বাধিবারে তার,

(৭)

যত পুর বাল্য
আনন্দে উতলা
লয়ে তরুবালা
বসালেন বার ।

(৮)

সকলেতে মিলে
ঘেরিয়া যুগলে
মনো কুতূহলে
উলুধনি দেয় ।

(৯)

মোরাও সকলে
সব কাজ ফেলে
হেরিতে যুগলে

আছি প্রতীকার ।

(১০)

এস কালিদাস
বধু লয়ে পাশ
সাদর সন্তাস
করি ছজনায় ।

(১৩)

হে সতী রজন
করি নিবেদন
যেন হই জন

তব কুপা পায় ।

(১১)

সাধের তরুরে
রেখ হুদে ধরে
যেন তৃশাস্তুরে

ব্যথা না পায় ।


(১২)

সংসার আলয়ে
প্রথমে পশিয়ে
ভক্তি যুত হোয়ে
নম বিধাতায় ।

শুভার্থিনী

দিদি ।

১৫ই জ্যৈষ্ঠ ১৩১৬ ।



আমার মামা বাবুর বিয়ে ।

আমার মামা বাবুর বিয়ে ।

বলি আমি মনের কথা শোন মন দিয়ে ।

যখন

মামা বাবুর বিয়ের চোটে, কল্কাং থেকে এলুম ছুটে

পড়লুম এসে রাণাঘাটে, ঠেসে লুচিত দেবোই পেটে

আর

যেথা ইচ্ছা সেথা বাব, পেটটা পুরে আঁব খাবো

পুকুব ঘাটে গা ধোব, আছি এ সব ফন্দি এঁটে ।

মামা বাবু

বিয়ে যখন কত্তে যাবে, বড় যারা উলু দেবে

আমরা সবাই শাঁক বাজাবো, ছোট ছোট মেয়ে জুটে

রাস্তিরটা গোল মালে, কাটিয়ে দেবো সবাই মিলে

হুঁসি মামা চোক রাঙালে, যাবো বাগান ধারের মাঠে ।

বর ক'নের পাকী নিয়ে, আসবে যখন বেহারা ধরে

সবার আগে ছুটে গিয়ে, দেখবো আমি প্রথম চোটে

বৌমা (থুড়ি) মামী যখন আসবে ঘরে, বরণ টরণ হলে পরে

তার গলাটি ধরে আমি চুমো খাব দুটি ঠোঁটে ।

মনের মতন সাজাবো তায়, তরল আলতা দেবো গো পার

দেলখোসে ভিজিয়ে দেবো চুলগুলি তার পাটে পাটে

তখন একটা বুকি করে, মামা বাবুকে আনবো ধরে


বলবো

অমন করে দেখছ কারে (বলেই) দিদির কাছে যাবো ছুটে

কেননা মামা বাবু মনে মনে, (যদিও) খুসি হবেন দেখে ক'নে
 তবু রাগ হবে লোক দেখানে, (তার) তালটি পড়বে আমার পিঠে,
 আবার সকলেতে সরে গেলে, তুলে আমায় নিয়ে কোলে
 চুমু খেয়ে ছটো গালে, (বলবেন) এত বুদ্ধি ধরিস পেটে ?
 আরো অনেক কথা আছে বটে, (কিন্তু) বলতে কৈ গো পারি কুটে
 মামা বাবুর কিলের চোটে, (তবুও মারেন নি),
 এখনো প্রাণ আঁতকে উঠে
 মামাবাবু মামী নিরে, সুখেতে ঘর কর গিয়ে
 আমি তবে আসি গিয়ে, ভুলোনাক এ পাগুন্টিটে ।

স্নেহের লাষণ্য

১৪ই জ্যৈষ্ঠ ১৩১৬ ।



স্নেহোপহার ।

১

কেন বল দেখি জ্যোচ্ছনা

বাড়িতে আজ হাঁকাহাঁকি গাড়ী পাকী ডাকা ডাকি
লোক জন আসছে কত না যায় তাদের গোনা

কেন বল দেখি জ্যোচ্ছনা ।

২

কেন বল দেখি জ্যোচ্ছনা

বাড়ীর ছেলে মেয়ে যত ঘুরে বেড়ায় অবিরত
বৎ বেরংয়ের পোষাক পরে নিয়ে, হাসি মুখখানা

কেন বল দেখি জ্যোচ্ছনা ।

৩

কেন বল দেখি জ্যোচ্ছনা

বাড়ীর যত ঝি-চাকরে লাল লাল কাপড় পরে
ছুটোছুটি করে বেড়ায় যেন, কত ব্যস্তপনা

কেন বল দেখি জ্যোচ্ছনা ।

৪

কেন বল দেখি জ্যোচ্ছনা

কেন ঐ বাজছে মানাই একটু ও নাইক কামাই
বাড়ীতে পিঁড়ের উপর আজ, দিয়েছে আলপনা

কেন বল দেখি জ্যোচ্ছনা ।

৫

কেন বল দেখি জ্যোচ্ছনা

তোর বর মণি এসে বসে আছে একপাশে
শিকারী বিড়াল যেন তার, ফুলিয়ে গৌফখানা

কেন বল দেখি জ্যোচ্ছনা ।

৬

এখন বুঝলি ত জ্যোচ্ছনা

আজ তোর বিয়ে হবে কাল তোরে নিয়ে যাবে
আমাদের কান্নাকাটি সে, কিছুই ত শুনবেনা

এখন বুঝলি ত জ্যোচ্ছনা ।

৭

তাই ভাবছি জ্যোচ্ছনা

তুই ত বোন আমোদ তরে চলে যাবি স্বপ্নের ঘরে
তো বিনে আঁধার বাড়ী থাকতে বুঝি পারবনা

তাই ভাবছি জ্যোচ্ছনা ।

৮

কি আর ভাববো জ্যোচ্ছনা

ভাব্চি এই যনে যনে সুখে থাক মণি সনে
মাঝে মাঝে দেখা দিও [তোর] দাদার এই প্রার্থনা

কি আর ভাববো জ্যোচ্ছনা ।

শুভাকাঙ্ক্ষী

নব রসোদগার ।

(কিবা) সুন্দর আষাঢ় মাস সকলেরই সুখোচ্ছাস
 ভেক কুল আনন্দে ডাকিছে
 চারিদিক মেঘে ঢাকা কাক সব করি কা-কা
 ছাদে বসি সুখেতে ভিজিছে ;

রাস্তা আর রাস্তা নয় বেগবতী নদী বয়
 সব জীবের জলকষ্ট গেছে—
 ছোট ছোট ছেলে এসে জানালার পাশে বসে
 নোকা গড়ি জলে ভাসাইছে ।

স্কুলের সকল ছেলে ফিরছে সবে দলে দলে
 'রেনি ডে' (rainy day) তে 'হাফ ডে' মেরেছে,
 আফিসের যত বাবু কতু তাঁরা ন'ন কাবু
 গাড়ী করে 'সেয়ার' (share) এ চলেছে

বেকার যতক আছে কাল নষ্ট হয় পাছে
 (তাই) নেয়ে খেয়ে আড্ডায় জমেছে
 কারো তামাক, কারো সিদ্ধি বাদলা পেয়ে মাত্রা বৃদ্ধি
 দম মেরে ভেঁা হ'য়ে বসেছে ।

এ হেন আষাঢ় মাসি গুরুপক্ষ ত্রয়োদশী
 ষোল তারিখ বার বুধবার
 বিশেষ হবে জ্যোচ্ছনার জগতের প্রেতসার
 ষোগা পতি মনীন্দ্র যে তার

মণি পাশে জ্যোচ্ছনা (যেন) শ্যামের পাশে কাঁচা সোনা

হেরে সবে আনন্দে ভাসিছে

আকাশে দেবতাগণ

দৌহে করি দরশন

(বর্ষারূপে) শান্তিজন নিয়ত ঢালিছে ।

আমরা ইতর জন

এসবেতে নাহি মন

(কেবল) উদর আশে লুচি পাশে ঘুরি ।

লেডিকেনি সন্দেশ

সরভাজা দরবেশ

এদের বালাই নিয়ে মরি ॥

সা বাস আষাঢ় মাস

বেঁচে থাক বার মাস

লেংড়া আঁব লইয়া বুকেতে

তোমার কুপার আহা

দেবতা ছল্লভ যাহা

এ জগতে পাইছ দেখিতে ॥

একপাতে সব গুনি

(যেন) তারা ঘেরা চাঁদখানি

হেরিয়া মূনির মন টলে

মূনিবর তাই রোষে

চলি গেলা বন দেশে

“মিষ্টান্ন মিতরে জনাঃ” বলে ॥

জ্যোচ্ছনা মা জননী

হও তুমি রাজরাণী

পতি সনে থাক মনোমুখে

যে যাওয়া খেয়েছি আজ

রামদাস পান্ন লাজ

চাকপেট্ট ঠেকে গেল মুখে ॥

সোডার বোতল দাও জলদি একঠো গাড়ি বোলাও


আর আমি বসিতে না পারি ।

(আর) কেন বাবা ভিড় কর যত পার কেটে পড়

বর কনের জয়গান করি ।

১৬ই আষাঢ় ১৩১৬ ।

জনৈক ইতর জন



আমার মেজদার বে ।

ছটি পায়ে পড়ি মা তোর একবার ছেড়ে দে ।

বাইরে গিয়ে দেখে আসি, আজ মেজদার বে ॥

বর যাত্রার যাবার তরে,

ভাল কাপড় জামা পোরে,

কত লোক এসে ঐ কচ্ছে গুণগোল ।

আমি কিনা এমনি করে,

থাকবো বসে রান্নাঘরে,

কিছুতেই খাবনা আজ শুধু যাছের ঝোল ॥

অস্থখ আমার সেরে গেছে

ডাক্তার বাবু বলে গেছে,

তাই

যাচ্ছি আজ বাবু সেজে হয়ে নীতবর ।

(সেথা) খাব কত লুচি মেঠাই,

দই কিন্তু খাবার যো নাই,

থেনে পরে অগ্নি ফিরে আসবে যে গো জ্বর ॥

কাল সকালে বোটি নিয়ে,

আসবো যখন, আসবে ধেরে,

উলু দিয়ে চুমো খেয়ে কোলে নেবে তায় ।

বীরেন বাবু তখন তোমার,

কারুর কথা শুনবেনা আর,

একটা শিশি বকুল তার ঢেলে দেবে গায় ॥

সোনামণি বৌদি আমার,

ছটি পায়ে পড়ি তোমার,

মেজদা যেমন ভালবাসে তেমনি ভাল বেসো ।

এই) দেখ আমি নম কোরে,

বলছি ঐ ঠাকুরেরে,

চিরকাল বৌদি আমার এমনি করে হেঁসো ॥

হো হো আজকে বড় মজা হয়েছে ।

মেজদা আমার বিয়ে করে টুকটুকে বৌ এনেছে ॥

বৌদি (আমার) কোলে নিয়েছে, চুনো খেয়েছে,

কালচাঁদ (আমি কালো কিনা) বলে আবার ঠাট্টা করেছে ।

হো হো আজকে ভারি আমোদ হয়েছে ॥

বীরেন বাবু

(বুঝতে পারেন না)

কালচাঁদ দা ।

১৬ই বৈশাখ ১৩১৭



গোটা দুই কথা।

একি কথা শুনি মহা, তোর নাকি বে।
 স্বস্তুর ঘরে যাবি তুই, ঘোমটা মাথায় দে ॥
 ভাবি আর হেসে মরি, তুইত হুধের মেয়ে।
 বরের সঙ্গে কইবি কথা, স্বস্তুরবাড়ী গিয়ে ॥
 খেলা ঘরের গিন্নি থেকে, ঘরের গিন্নি হবি।
 সকলকে খাইয়ে ধুইয়ে তবে নিজে খাবি ?
 ওমা আমি কোথা যাব, হাসব কত আর।

(এখনও যে) খাবার পেতে দেরি হলে দেখিস্ অন্ধকার ॥

(যা হোক) হরু পূজে বর মিললো ভাল, মনের সুখে থাকো।
 গোটা কতক কথা বলি বোন, মনে ক'রে রেখো ॥
 শাশুড়ী নন্দ দেওর ঘরে, তাদের যত্ন কোরো।
 আর সকলের ভাল তুমি, কোরো যত পারো ॥
 পতি হলেন পরম গুরু, বেদ পুরানে লেখা।

(তিনি) তুষ্ট হলে জগৎ তুষ্ট, এ কথাটা পাকা ॥

কোনরূপে পান্ থেকে তার, চুন্টি যদি খসে।
 ওরে বাবা কি মাতুনি, কাছে কে তার ঘেসে ॥
 তাইতে বলি কোনরূপে, সামলে নিয়ে চলো।
 তারে সুখী কলে তোমার, দিনটা যাবে ভালো ॥
 বড় আদরের বোনটী আমার, মনের সুখে রও।
 নাতি পুতি কোলে নিয়ে চিরায়ুখতী হও ॥

আশীর্বাদিকা

আমারে সাধের গিন্নিপনা ।

ঠাকুমা বলেন, “ছেলুমনি ! দিদির তোমার বিয়ে
সবই তোমাঘ কত্তে হবে ঘরের গিন্নি হয়ে” ।

বাবার মা ঠাকুমা, হলেন গুরুর গুরু

(কাছেই) দুর্গা বলে গিন্নিপনা করে দিলুম সুরু ।

আমোদেতে মত্ত হোয়ে ঘরের গিন্নি হলুম গিয়ে

আমি গিন্নি তাইত দিদির হোয়ে গেল বিয়ে,

আমার যত গিন্নি পনা সবারিত আছে জানা

পিড়িতে দিছি আলপনা দেখনা তোরা চেয়ে ।

(যেন) কুমোরের বাড়ি ছাড়ি শ'থানেক কলসি হাঁড়ি

এর উপরে ওটা পড়ি আছে পিড়ি ছেয়ে,

সবাই বলে ধন্নি ধন্নি এত নয় কম সামান্টি

নিজের গোমর কত্তে নেই, আমি কি কম মেয়ে ?

দালান জোড়া লোক এসে (আরো কত আশে পাশে)

বসে আছে সারি সারি পাতে লুচি নিয়ে,

জলের ঘটি হাতে নিয়ে পরিবেশন কত্তে গিয়ে

হুমড়ি পেয়ে গেছু পড়ে জড়িয়ে পায়ে পায়ে ।

পড়ে মলুম ; তার উপরে মা ঠাকুরন কান্টি ধরে

মাল্লেন কিল এমনি জোরে পড়লুম আবার শুয়ে,

কাজ নেই আর গিন্নিপনা এ যে বিষম মন্ত্রনা

(কি করি) পেটে খেয়ে ছ' চারখানা, থাকি পিঠে সয়ে ।

বিয়ের মন্তর ।

বিয়েটা দেখছি বড্ড সোজা ; দিদির আবার আরো মজা ;
 বরের পাশে বসলো বেঁসে সাতটি পাক খেয়ে ;
 মুখটা টিপে বরের হাঁসি ; আজ হোয়েছেন বাঘের মাসি ;
 নাপিত ভায়া নিলে কোলে জুতো এগিয়ে দিয়ে ।
 দিদি—এই রকম হাঁসি মুখে হৃদনেতে থাক মুখে
 ঘরকন্না কত্তে থাক নাতি পুতি নিয়ে,
 কাল সকালে তোমায় ধোরে চোরটা যখন যাবে মোরে
 জুল্ জুল্ কোরে দেখবো মোরা থাকবো ভেঁকা হোরে

প্রফুল্ল ।

৩রা ফাল্গুন ১৩১৭ ।



আমার অভিমান ।

আমি তোমার কাছে গেলে তুলে তুমি নিতে কোলে
আদর করে হুঁটী গালে কত চুমো খেতে ।

নামিতে চাহিলে আমি নামিতে না দিতে তুমি
কহিতে কতক কথা হেঁসে মোর সাথে ॥

মামিকে আনিতে আজ পরিবে বরের সাজ
হাঁসিমুখে যাও তুমি আলো বাস্তু নিয়ে ।

আমি ভাল পোষাক পোরে ঘুরি তোমার চারিধারে
মুখটী তুলে একটীবারও দেখনাত চেয়ে ॥

(কাল) মামি মখন আসবে হেথা তোমার হুঁটুমির কথা
বলে দোনো কানে কানে গলাটি তার ধোরে ।

মজা টের পাইয়ে দেবো তখন বলবে "চুমো খাবো"
কত রকম করবে আদর নিয়ে কোলে করে ॥

তোমার বিয়ের শেষে ও মাসের ছত্রিশে
দাঁড় বলেন তাঁর সঙ্গে আমার হবে বিয়ে ।

কোন কাজটা কখন করি তাইতে এখন ভেবে মরি
মামিকে নিয়ে শীগগির এস আমি ঘুই গিয়ে ॥

“হাসি” ।

OUT-POURINGS.

Good evening, MR. DEB ! red silk প'বে ।

Smiling faceএ, priest পাশে, যাচ্ছ drive করে ॥

Blindly তোমার follow করে, মোরাও যাচ্ছি সবে ।

What is the matter ? বন্ধু ! বল দেখি এবে ?

জানি dear জানি all, তবু শুনোনি তব মুখে ।

কি রকমে express কর, যে ভাব উঠছে বুকে ॥

Indeed অহঙ্ক very glad, কথাটা ভাই শুনে ।

Marry করে আনছো brother, beautiful ক'নে ॥

লাবণ্য যে better half, ভুলটি তাতে নাই ।

যেমন মেঘের পাশে সৌদামিনী, কালার sideএ রহি ॥

যাহোক—friend হিসাবে দুটো word, বলি এবে dear

আশা করি তৎসর্বং ভাই করবে তুমি hear.

বিবাহটা বড়ই sweet, যদি রাখতে পার তাজা ।

যেমন—Hilsha-fish খেতে তোফা, গরম গরম তাজা ॥

When your dear লাবণ্য, মালা দিবে গলে ।

See her in every way, তোমার ঘরে এলে ॥

Gratisএ good advice, সদা দিবে তার ।

তোমার সংসার হবে paradise, এ কথা নিশ্চয় ॥

Heartএ heartএ Godকে ডেকো, সব কাজে তোমার ।

তা'হলে eternal happiness হবে ছুজনার ॥

এখন কথা শুলো লাগছে sour, বুঝিছি তা ভাই ।

বাসরে ষাবার time ষার, আমরা তবে যাই ॥

অনেকটা পথ walk ক'রে, কিদের বেজায় জোর ।

“Good night, good dreams”, আজ no more, no more.

লুচি মোড়া ঠেসে বুঝি, belly burst হ'লো ।

“GOD BLESS THE HAPPY PAIR” বলে,

ঘরে ফিরে চলো ॥

“ever dear”

এই বৈশাখ : ৩১৮

বতীন ।



কাকুর বিয়ে ।

রাত পোহালো ফরসা হোলো

ডাকছে ষত কাক ।

চাবার মেয়ে যাচ্ছে ধেরে

মাথায় নিরে শাক ॥

পূব আকাশে সূৰ্য্যি হাঁসে

সোণার জামা গায় ।

ঠাণ্ডা বাতাস ফুলের সুবাস

মাথায় সবার কায় ॥

উড়ে রাখাল নিরে গো-পাল

মাঠ পানে ধায় ।

পুকুর ধারে হাঁস চ'রে

মাছ ধ'রে খায় ॥

ছোট ছেলে চোখটা মেলে

মার আঁচল ধরে ।

খাবার তরে বায়না ধ'রে

কেঁদে মাং করে ॥

ছেলে গুলোর কান্নার চোটে

বিছানা থেকে লাফিয়ে উঠে

বাইরে এসে গুনি আজ বাবুকাকার বিয়ে ।

হো হো আজ ভারি মজা

ধাক্গে এখন সাজাগোজা

পান সাজার ভারটা আমায় থাকতে হবে নিরে ॥

(কিছু) পা মেলে কি পারি বসতে সবাই ডাকে “মলতে” “মলতে”
কারে রেখে কারে গুনি তাই ভাবি মনে ।

(এই দেখনা) আসছে জিনিস মুটে করে দৈ আসছে ভারে ভারে
তুলে নিতে বললে বলে “তুই নেনা গুণে” ॥

দাদামণি ছকো ধরে ঘুরে বেড়ান চারি ধারে
ভুড়্ ভুড়্ করে তামাক টেনে করেন ছকুম জারি ।

(আমার) বাবার মুখটা বড় মিষ্টি যেন করেন মধু বৃষ্টি
“আমুন মশাই বসুন” বলে কছেন খাতির ভারি ॥

মা ঠাকুরগ দলে বলে বাবুকার কান্টি মলে
উলু দিয়ে শাঁক বাজায়ে বর সাজালেন তায় ।

দাকাসিঁথে মাথার উপর তার উপরে আবার টোপর
বাহার দেখে কাতিক ঠাকুর হার মেনে পালায় ॥

এমন সময় ঠাকুমা এসে বল্লেন তাঁরে হেঁসে হেঁসে
“আলো ক’রে চারিদিক কোথা যাও ধন” ।

লজ্জায় মাথা হেঁট করে বল্লেন কাকু ধীরে ধীরে
(যাচ্ছি) “দাসী এনে তোমার পায়ে কত্তে সমর্পণ” ॥

শ্যামে গাডি যুড়ি ঘোড়া সকল গায়ে চেলি মোড়া
বরকে নিয়ে চ’ল্লো ছুটে সোঁ সোঁ সোঁ ।

আয়লো তোর। আয় সবাই ভিতরেতে আর কিছু নাই
বাইরে গিয়ে বাজাই শাঁক পোঁ পোঁ পোঁ ॥

আজ দুর্গার অধিবাস

আজি দুর্গার বিয়ে

(কাল) মা দুর্গা আসবেন ঘরে সুখ ঐশ্বর্য নিয়ে ।

তেত্রিশ কোটি দেবতা মিলে

সুখে রেখ এ যুগলে

একটু বসে আমি এখন হাঁফ ছাড়ি গিয়ে ॥

২৫শে বৈশাখ ১৩১৮

মলিনামাধুরী ।



“মনের কথা” ।

বাজলো ঢোল উঠলো যোল

“মল্‌তের” আজ বিয়ে ।

ওলো “ছেনি” আয় এখুনি

কাজ সেরে নিয়ে ॥

পোড়ার দশা ! “বুড়ির” আশা

করা দেখছি মিচে ।

কল তলাতে গামছা হাতে

এখনো কাপড় কাচে ॥

ছেলের দলে খেলা ফেলে

রাস্তার দাঁড়ায় ঐ ।

এলে গাড়ি তাড়াতাড়ি

(বলে কৈ গো বর কৈ ॥

আলতা পায় মল বাজায়

চললো সবাই চল ।

বরটা এলে সবাই মিলে

তার দেখবে কত বল ॥

(যেমন) লকা মাঝে বীরের সাজে

মেয়ে সেপাই কুল ।

হুম্মানে নাকে কাণে

দেখার সর্ষে ফুল ॥

(তেমনি) “মল্ভে”-চোরে কানটি ধরে
 মোরা সবাই জুটে ।
 ক'নে তুলে দেবো কোলে
 (আর) ফেলবো তাল পিঠে ॥
 ও “মলিভে” তোর কবিত্তে
 ভুল্ যে ভাই হয় ।
 “পেট চেবুয়া” “গাল ফুলুয়া”
 বর ত তোর নয় ॥
 পূজলে হর পেলে বর
 মনের মত তাই ।
 (এখন) নিয়ে তাকে মনোস্থথে
 ঘর করগে ভাই ॥
 উলু দিয়ে শাঁক বাজারে
 লুচি পেটে ঠেসে ।
 আমোদ ভরে চন্নু ঘরে
 (তোরে) রেখে বরের পাশে ॥

খেলির দল

আশ্চর্য্য স্বপ্ন ।

হঠাৎ যেমন পাশটী ফিরে চাইলু চোখ ধীরে ধীরে
 আকাশ কোলে দেখলু যেন আছে একটু রাত
 বইছে মৃদু মন্দ বায় ঠাণ্ডা কচ্ছে সবার কার
 পাখী সকল বলছে ডেকে আগত প্রভাত ।

মুদে এলো চোথের পাতা স্বপন দেবী অমনি তথা
 অজ্ঞাতে আসন নিজ করিয়া স্থাপন

অপূর্ব দেখালেন মোরে নাহি শক্তি বর্ণিবারে

অশক্ত লেখনী মোর করিতে লিখন ।

দেখি এক দিব্যস্থান স্বগন্ধতে ভরা

মনোসুখে আছে তথা যতেক অঙ্গরা ।

দিব্য ছন্দে স্তুতি গাঁথা গায় অবিরাম

ঋষিগণ বেদপাঠ করে অবিরাম

বয়ে যায় মন্দাকিনী করি কুলুধ্বনি

বিমোহিত হয় প্রাণ পাখী তান শুনি

রৌপ্য বৃক্ষে স্বর্ণ শাখে মুকুতার ফল

তার তলে সৌদামিনী স্থির অচঞ্চল

সীমন্তে সিন্দূর শোভে হাতেতে কঙ্কন

পরনে লোহিত বাস উজ্জ্বল চিকণ

হাস্তমুখী মূর্তিমতী যেন গো করুণা

(কি দেখিলু আর কি তা দেখিতে পাবনা)

আগুবাড়ি বলিলেন দেখিয়া আমার


আয় মাগো—মা আমার আর কোলে আর

বিশ্বের মস্তুর ।

কি মধুর কণ্ঠস্বর (যেন) বাজিল রে বীণা
(কি শুনিছ আর কি তা শুনিতে পাবনা)
কতক্ষণ কোলে রাখি कहিলেন ধীরে
“ভুলেছ কি ফিণু মা ! তোর পিসিমারে ?
আজ মাগো আমাদের আনন্দের দিন
মৌরলা পাবে মা বর সুন্দর নবীন
বড় ভাগ্যবতী মা মৌরলা আমার
যোগানন্দ পতি তাই হইল তাহার
এ শুভ মিলনে মোর প্রতিবেশীগণ
দেখ মা আনন্দে আজ কতই মগন
এস মা এস মা আজ বোলো মৌরলাকে
হেথা থেকেই আশীর্বাদ করিছ তাহাকে
অক্ষয় অটুট সুখ হোক ছজনীর—”
শাঁকের রবে জেগে দেখি রাত নাহি আর ।

কিনে ।

আর্বাট, ১৩১৮ ।



BRIDAL TOURNAMENT

Winner—শ্রীমান পঞ্চানন Referee—শ্রীশ্রীপ্রজাপতি

1st Round

“বাইয়ার’ বিয়ে অঙ্ক অবশ্যই চাই পঙ্ক

সন্দেশ যেমতি চাই, দধি পাতে পেলে ।

কিন্তু (হার বিধি) একি দেখি ঝকমারী, যেটা এত দরকারী

সে পঙ্ক লিখিতে শক্তি, কেন নাহি দিলে ॥

2nd Round

“বাইয়ার” বিঘে অঙ্ক লিখিতে হইবে পঙ্ক

কি লিখি, কেমনে লিখি, তাই ভাবি মনে ।

ভেবে ভেবে অবশেষে ভাঁড়ারের পাশে বসে

করিলু পরমাত্মা সেবা, অতি সযতনে ॥

3rd Round

“বাইয়ার” বিয়ের পঙ্ক আমিই লিখিব অঙ্ক

(তাই) সেজে গুজে বসে গেলু, কলমটা হাতে ।

পরমাত্মার কুপায় আছ (স্বপনে ভাবিনি যাহা)

চলিল লেখনি মোর কে পারে থামাতে ॥

Semi Final

“বাইয়ার” বিয়ে অঙ্ক দেখনা লিখেছি পঙ্ক

আভাসে কিঞ্চিন্মাত্র শোন হে সবাই ।

“এ-এ-হে শুভ শ্রাবণের শেষে আজ মাসের পৌঁচিশে

“বাইয়ার” বিয়েতে সবে লুচি খাবে তাই” ॥

Final

“বাইয়ার” বিয়ে অণ্ড, কেমন লাগিল পণ্ড ?
(এখন) সবাই বল একবার হাত-জোড় করি ।
“হে বাবা জগন্নাথ ! “বাইয়া” যেন মাছ ভাত
মনের সুখেতে খায় একশো বছর ধরি ”।

২৫শে আষাঢ় ১৩১৮ ।

On Looker



কিছু মিছা ।

ওলো বিভি ! তোর ত বিয়ে (কিন্তু) আমি যে ভাই মরি ।
 পল্ল ত একটা লিখতে হবে—(এখন) কারে গিয়ে ধরি ॥
 নিজের বিয়ের যত দৌড়, জানি মনে মনে ।
 দুটো কথা জুড়তে গেলে, হাঁপিয়ে উঠি প্রাণে ॥
 বাড়ীর যিনি পুরুষ মানুষ, তোর ভাই, লো ! ভাই ।
 কবিতাতে “কেশব সেন” বলিহারি যাই ॥
 আমি লিখলে দুটো কথা, তিনি লেখেন একটা ।
 কলম ছেড়ে বলেন “এর শক্ত আর কোনটা ?”
 বুকের মাঝে ভাবের লহর, উঠছে পড়ছে যত ।
 পড়ে না হয় গড়ে, আমি, লিখবো কতকমত ॥
 খোসামুদি কোরবো না আর, আরে ছি ছি ছি ।
 “রবি” “নবীন” সবাই হ'লে, তাঁদের গুণের কি ?

আজি শুভ দিনে

হে অতিথি “ফার্স্ট বুক” নাতি ।

এস ভাই ! হাঁসিমুখে ।

বিভাতে মিলিতে আজি

রাখিতে তাহারে সুখে ॥

স্নেহের ঠাকুরঝি মোর

বড়ই আদরে গড়া ।

আজিকে লইলে কিনে

শুধু . দিয়ে মালা ছড়া ॥

শিখাইয়া দিয়ো যাহা

সংসারে শিখিতে হয় ।

আজি হ'তে তোমারি ত

ছটিতে ত পর নয় ॥

আয় বিভা ! দেখি তোরে

বড়ই সজ্জা আজ ।

নব বস্ত্রে সিন্দুরেতে

পরেছ নূতন সাজ ॥

চাহিনা সাজাতে তোরে

সোণা মণি মুকুতার

ও গুলো কঠিন বড়

বাধা পাছে লাগে গায় ॥

কুলময়ী বোন মোর !

ফুল-মালা গলে পর ।

ধরম সরম ফুলে

ঘর আমোদিত কর ॥

স্থখে পর রাঙা শাড়ী

হাতে লোহা সরে থাক্ ।

চিরদিন সিঁধি বুড়ে

অক্ষয় সিঁদুর থাক্ ॥

বউদিদি

“হুকুম তামিল” ।

“টো টো” কোম্পানীর আফিস থেকে, সাঁঝের বেলায় এসে ফিরে
 আমা জুতা খুলে ফেলে, বসে আছি অন্ধকারে
 রাস্তার ধারের জানলা খোলা, আসছে বাতাস ধীরে ধীরে,
 এতেই প্রাণটা ঠাণ্ডা হোলো, টাদের আলো তার উপরে ।
 চুপ করে কি আর থাকি যায়, হুঁ হুঁ করে মারলুম্ তান
 বিধির কানে পৌছিল তা, বিধুল তাতে কোমল প্রাণ ।
 “চিঠি আছে” “চিঠি আছে” বেজার হয়ে ছবার হেঁকে
 ডাক পিয়াদা কি ফেলে দিলে, লাগল এসে আমার নাকে ।
 তুলে দেখি আমার বটে, দিব্যি এক খামে মোড়া,
 খুলে দেখি হুকুম জারি, কিন্তু বড় বেজায় কড়া ।
 কার চিঠি কোথেকে এলো, এটা বলা বেশীর ভাগ
 পষ্ট বন্ডে ভরসা হয় না, শুনলে পাছে হয় গো রাগ ।
 ঠারে ঠারে বন্ডে পারি, তাঁর ভায়ের বিয়ে এই মাসে
 এখন, পণ্ড একটা লিখতে হবে, গড়লে যেটা সবাই হাঁসে ।
 ভাবছেন তিনি আমার উনি, পণ্ড লেখায় লায়েক ভারি,
 বড়াই করে সবার কাছে, তাঁর হয়েছে জারি জুরি ।
 এ দিকে যে অষ্ট রস্তা, ভাঁড়েতে যে মা ভবানী
 এটা সেটা দেখে লিখে, লোকের কাছে ফর্ ফরানি ।
 (বাহোক) মানের কারা বিষম কারা পণ্ড একটা লিখতে হোলো
 (এই) মানের দায়ে দুর্ঘোষনটা সবংশেতে চোক উন্টোলো ।
 (কিন্তু) মাথা থেকে পণ্ড লেখা, এয়ে দেখছি বিষম দায়
 মিলের বেলায় ফাটা ফাটি, একটা ষোল আবারটা নয় ।

তাইতে ডাকি ওমা চণ্ডি, এ বিপদে বাঁচাও এসে ।
 (নইলে) মরবো পায়ে মাথা কুটে পড়ে ঝাবি পুলিশ কেসে ।
 ভাবের জন্তু ভাবিনা মা, দেখনা কত লিখে ফেলি
 কিছু দেখতে হবে না তোরা, বজায় রেখো মিলন গুলি ।
 বেনামিতে লিখলুম মাগো, বিয়ের মন্ত্রে যা দরকারি
 মলয় বার ফুলের সুবাস, উলুধ্বনি টিট্কারি ।
 বেনামীতে আশীর্বাদ, সেটা বেজায় বাড়াবাড়ী
 সে ভারটা, তোরে দিয়ে মা, নিজের ছোটো বুলি ঝাড়ি ।

সৌরেন dear করোনা fear

যখন darling তোমার আছে পাশে

(সে যে) তোমার প্রেমের boat এ helm হাতে

বন্দো দেখ right place এ

এখন two together, do not care

Enjoy শুধু না করে fight

মোরা চল্লুম ঘরে ধীরে ধীরে

Wishing (you) both goodnight.

সত্যীশ

আশীর্বাদ ।

সুখোদ !

চোখের আড়াল হ'লে কি ভাই,

প্রাণের আড়াল হয়ে যায় ?

ভাবছি সদা তোদের কথা,

ভেবেই কত সুখ হয় ।

শুনলুম আজ তোমার বিয়ে,

“সুখী হও দুই জনে ।”

(দূরে থেকে) আশীর্বাদ করি আমি,

শুচি হয়ে কায়মনে ॥

দয়াময় ! করযোড়ে করি নিবেদন ।

এ নব যুগলে কৃপা কর বিতরণ ॥

যে প্রেমে বেঁধেছ তুমি বিশ্ব চরাচরে ।

বেঁধে রাখ দোঁতে, প্রভু ! সেই প্রেম ডোরে

দিদি

২৯শে শ্রাবণ ১৩১৮ ।

শোধ বোধ ।

(১)

যখন সন্ধ্যা বেলা তুলতুম
 আর রগড়াতুম চোখ,
 বাবা বলতেন চোটে মোটে
 “ওরে আহান্নোখ !

এরই মধ্যে তোর এলো ঘুম
 (এখনও) বাজেনি আটটা ?”

(আর) মামাবাবু মলে দিতেন
 ধরে মোর কাপটা ।

তখন মনে হ'ত খালি
 (কেন) হলুম্না আমি

বাবা কিম্বা মামাবাবু
 (আর) ঐ দুজন আমি ।

(২)

আজ্ঞে আটটা বেজে গেছে
 (তবু)^১ পাখনি আমার ঘুম,

বাবা ভারি ব্যস্ত কাজে,
 (আজ) বাড়ীতে মহা ধুম ।

(আর,) মামাবাবু চারিদিকে
 বেড়াচ্ছেন ঘুরে ।

হাঁক্ ছাড়তেই পাচ্ছেন নাকো
 কাপ্ টানবেন্ কি করে' ?

দিদির বিয়েতে সব জন্ম
খালি, আমারই খুব মজা !
এই তাকে বই হারিয়ে
 খাচ্ছি গাজা গজা ।
কিন্তু, এঁদের এখন কষ্ট দেখে
 হচ্ছে আমার বোধ ।
চোখ রাঙানি কাণ টানাটার
 বেশ হয়েছে শোধ ।

১৭ই শ্রাবণ ১৩১৯ ।

কেমন জন্ম ?

ছনিয়া ।



স্নেহাশীর্বাদ ।

শিবার্থীর শিবদাতা শিব কল্পতরু,
 পবিত্র দাম্পত্য-প্রেম-শিক্ষাদাতা-গুরু,
 মেনকা বালিকা প্রেম-পূজাপুলকিত,
 থাকুন দম্পতী প্রতি প্রসন্ন নিয়ত ॥

হে বিধাতঃ !

তোমারই সৃজিত বিশ্ব তুমিই সকলাধার
 পাল তুমি বিধির বিধানে ।
 তাই তব পদাঙ্কজে এ যুগল নবান্বজে
 অর্পিলু হে রাখিও চরণে ।
 দেব গুরু দ্বিজ পাশে করপুটে নিবেদন
 আশীর্বাদ কর নিজ গুণে,
 এ নব দম্পতি যেন রহে সদা চিরসুখী
 হরগৌরী যথা সম্মিলনে ।

১৮ই শ্রাবণ ১৩১৯ ।

আশীর্বাদিকা—
 রাঙা মাসীমা ।



আমার দিদির বিয়ে ।

হা হা হা ভারি মজা কেমন গেছে সাজা গোজা
ঘুরে বেড়াই আমরা সবাই, হাসি মুখ নিয়ে
কেন, বুঝি জানিনাক ? (আমার) দিদির যে আজ বিয়ে !

মাষ্টার মশাই পায়ে পড়ি, আজ আমাকে দি'ন্ ছাড়ি
বাইরের ঘরে একটু বসুন, যাবেন খেয়ে দেয়ে :
আপনি বুঝি গুনে'নিকো, দিদির আমার বিয়ে !

গেটের উপর নবৎ বাজে, ব্যস্ত সবাই নানান্ কাজে
লোকজন আসছে কত, চারি দিক্ দিয়ে
আমোদ করে বেড়ায় সবাই, (আমার) দিদির কিনা বিয়ে ।

বরটি এসে বসবে যেথা, কি সুন্দর সাজিয়েছে তা
লতা পাতা ফুল আলো, আর কত কি দিয়ে
গানের সুরে কনসার্ট বেজে, (বলে) দিদির যে গো বিয়ে ।

ভাজ্ছে মুচি ঝুড়ি ঝুড়ি, রাধাবল্লভ ছড়াছাড়ি
খাচ্ছে, ফেলছে, দিচ্ছে কত, যাচ্ছে সবাই নিয়ে ।

ওগো ! না খেয়ে কেউ যেয়ো'নাকো, (আমার) দিদির যে আজ বিয়ে ।

বরের নামটি অনিলকুমার, দেখতে গুনতে খুব চমৎকার
চশমা নাকে হাসি মুখে, দেখছেন চেয়ে চেয়ে
কনের সাজে দিদি'কে মোর ; তার কিনা আজ বিয়ে !

বর হয়েছে মনের মত, তাইতে দিদি খুসি কত
 কোট্ট করেছে জল খাবেনা, বরকে না খাইয়ে
 মুখটি শুকিয়ে গেছে দিদির, (আহা) কখন হবে বিয়ে ?
 কাল কিন্তু সকাল বেলা, কেঁদে করব ঝালা পালা
 (যখন) দিদিকে নিয়ে চলে যাবে, হলে বাসি বিয়ে ।
 কার সঙ্গে করব ঝগড়া, খেলব কারে নিয়ে ?
 কাজ কি আজ সে সব কথায় ? বিয়ের বুঝি সময়টা যায়,
 পুরুত ঠাকুর বিয়ে দিন, হাতে হাত দিয়ে ।
 (এখন) বর নে যাওগো বাসর-ঘরে, সবাই উলু দিয়ে ।
 কালীঘাটের হে মা কালী ! হাতটি জুড়ে তোরে বলি,
 হাসি মুখে দেখ্ না মাগো ! ওদের দিকে চেয়ে !
 (দিদি) দশে শূন্য বছর হানুক, মাহ ভাত খেয়ে ॥

১৭ই আশ্বিন ১৩১৯ ।

“তুনিয়া”



পাতুরাণীর বিয়ে ।

(১)

ক'দিন
মামার বাড়ী ভারি মজা
ঠুস্টি পেট্টা ভরে,
মামারা সব ব্যস্ত ভারি
মেয়ের বিয়ের তরে ।
(“পাতুর” বিয়ে হবে)

(২)

লুকিয়ে ছিল “সুজয়েন্দ্র”
সহরের এক টেরে,
খুঁজে খুঁজে দাদা ন'শায়
বের কল্লেন তারে,
(যেন গরু খোঁজারে)

(৩)

বোনটী আমার ভারি খুসী
বরের নামটী শুনে,
হাঁসি মুখে বেড়ায় ঘুরে
সেজে বিয়ের ক'নে ।
(আমোদে ফুটি ফাটারে)

(৪)

আবার

বসে আছে উপোষ করে

আজকে সকাল থেকে,

কোট ধরেছে খাবেনা কিছু

বরটাকে না দেখে,

(আহা, কত কষ্ট হচ্ছে)

(৫)

ক'নে দেখে বোনাই বাবু,

একটা গাল হেসে,

চেলীর খুঁটে আচলটা তার

বেধে নিলেন কসে,

(যেন কেউ কেড়ে নেবে)

(৬)

বড় মেহের বোনটা মোদের

নিলে বোনাই বাবু,

ষড় করে রেখ কিন্তু

(নইলে)

করব তোমায় কাবু ।

(কথাটা মনে রেখো)

(৭)

মুখ তুলে চাও হে গোপীনাথ !

“স্বজয় স্বধমার” দিকে,

এরা

তোমার কৃপায় থাকে যেন

সদাই মনের সুখে ।

(ভারোদের এই মিনতি রে)

(৮)

এত আমোদে বড় মামার
মনে নাইক লুখ,
মেজ মামার হাঁক ডাকেতে
কৈপে উঠছে বুক,
(এখন লম্বা দিই রে)

(৯)

আমোদেতেই পেট ভরেছে
কেবল, একটা কোন খালি,
তাই গরম গরম লুচি ছুখান
বদনে দিই তুলি ।
(নইলে ঘুম হবেনারে)

১২ই বৈশাখ ১৩২০ ।

“বিশু দা” ।



বিয়ের মন্তর ।

হেয়ারব ।

সাবাস বোশেখ মাস পাঞ্জির first boy
আমি অতি অভাজন আমার মত thousand
এলেও বর্ণিতে নারে তব গুণচয়
Still to describe you মোর সাধ হয়
গগনের চাঁদে হাত বামনের প্রার ।

তাই মাগো বীণাপানি শতদল বাসিনী
বড় আশা করে আজ পরিয়ে কবির সাজ
এসেছি মা তব দ্বারে হাতেতে লেখনী
পুরাও মনের সাধ বাস্তবিকী জননী ।

সাবাস বোশেখ মাস সদা প্রাণ হাঁস ফাঁস
গরমের চোটে গায় ফোঁকা হয়ে যায়
চারি দিকে সব শুক কেবল “বরফ” শব্দ
ক্ষীণ হতে ক্ষীণ হয়ে বাতাসে মিলায়
তবুও বোশেখ মাস বাখানি তোমায় ।

তবুও বোশেখ মাস বাখানি তোমায়
তোমার কোমল কোলে কেমন পটল দোলে
কেউ তোলে কেউ দেয় উদর সেবায়
এক মুখে তব গুণ কহনে না যায়
(শতমুখী হলে পরে তবে যদি হয়)

আর যে মেলাতে নারি ওহে মাসরাজ
বর্ণিতে তোমার গুণ ইয়ে গেছি নিম খুন
বুঝেছত মনোভাব কথায় কি কাজ
তাই হনু কান্ত হেথা দিওনা আর লাজ ।

স্বাগত হে মাস শ্রেষ্ঠ ! প্রণামি তোমার
অভাগা “আইবুড়া” দলে যেওনা হে পারে ঠেলে
সবে না হয়, “মণিরে” পার কর দয়াময়
হাড়িনার হয়েছে তার “স্মৃতি” তাড়নার ।

Good evening মণি বাবু ! গাল ভরা যে হাসি

কাণীঘাটে যাচ্ছ নাকি পরে বারাগনী

সঙ্গে কেন লোক লঙ্কর বেঁধেছে কি লুমাই সমর-

(অথবা) সোনার খাতে যাচ্ছ তুমি আনতে সোনা বাশি

বলনা ভাই কিসের জন্তে এত হাঁসি খুসি ।

ঈস্ ! একটা বারও মোদের পানে চাওনা যে হে কি কারণে

ভস্ম হয়ে যাবো নাকি দেখলে হাঁসি রাশি

যে “স্মৃতিতে” এত হাঁসি (সেই) “স্মৃতি” তোমার বুকে বসি

উপড়াক তোমার দাড়ি মোরা দেখেই হব খুসি

(বুঝলে বন্ধু) আমরা তোমার হাঁসিমুখ বড়ই ভাল বাসি ।

তোমার “স্মৃতি” তোমাতে থাক স্বপ্নে বুকে কাল কাটাক
 এখন মোদের ছাড় বন্ধু আমরা তবে আসি,
 কি বলে ? পাত হয়েছে ? গল্পম লুচি ?
 ও বন্ধু আমরা তাইত ভাল বাসি,
 মোবা ওই জগেই ত আসি—
 আমরা এই খানেই বসি—

১২ই বৈশাখ ১৩২০।

ভূতপূর্ব সঙ্গী

“আইবুড়ব দল”

